

尚

書

證

義

尚書證義

商書湯誓

王曰。格爾眾庶。悉聽朕言。非台小子。敢行稱亂。有夏多罪。天命殛之。

釋詁台我也。釋言稱舉也。殛誅也。

今爾有眾。汝曰。我后不恤我眾。舍我穡事。而割正夏子。惟聞汝眾言。夏氏有罪。予畏上帝。不敢不正。  
說文割剝也。幽風八月剝棗。毛傳剝擊也。是割猶擊也。孟子征之爲言正也。是正猶征也。此湯述其有眾之辭。而告以奉天伐夏也。

今汝其曰夏罪其如台夏王率遏眾力率割夏邑  
有眾率怠弗協曰時日曷喪予及汝皆亡夏德若  
茲今朕必往

史記作夏罪其奈何台何聲相近班固典引今  
其如台而獨闕也此湯述商眾詰問夏罪之辭  
而下文答之也釋詁遇止也史記夏本紀云夏  
桀不務德而武傷百姓也說文割剝也多方云  
剝割夏邑也白虎通天子所居夏曰夏邑殷曰  
商邑周曰京師釋詁協服也鄭注桀見民欲叛  
乃自比于日曰是日何嘗喪乎日若喪亡我與  
汝亦皆喪亡引不亡之徵以脅恐下民也伏生  
大傳云夏人飲酒相和而歌曰盍歸于亳盍歸  
于亳亳亦大矣伊尹入告于王曰大命之去有  
日矣王曰天之有日猶吾之有民也日亡則吾  
亦亡矣新序刺奢篇桀作瑤臺爲酒池糟堤縱  
靡靡之樂伊尹舉觴告曰君王不聽臣之言亡  
無日矣桀曰吾有天下猶天之有日也日有亡

乎。日亡吾亦亡矣。其事又見韓詩外傳。諸書所載皆同。鄭注此湯述夏桀拒諫之辭而明其必往而征也。

爾尙輔予一人。致天之罰于其大賚汝。爾無不信。

朕不食言。爾不從誓言。予則孥戮汝。罔有攸赦。

釋詁賚賜也。食僞也。鄭注大罪不止其身。又孥戮其子孫。周禮云其奴男子入于罪隸。女子入于舂稟。

尚書證義

平湖周用錫述

盤庚上

盤庚遷于殷民不適有居率籲眾感出矢言

書序自契至于成湯八遷鄭注契本封商國在太華之陽皇甫謐云今上洛商是也卽今陝西商州史記契生昭明世本云昭明居砥石其地無考史記昭明子相土商頌云相土烈烈左傳襄九年土弱對晉侯曰陶唐氏之火正闕伯居商丘祀大火而火紀時焉相土因之杜注商上在宋地其後微子封此漢書地理志云梁國睢陽故宋國微子所封也卽今河南歸德府商上縣史記相土至湯十二世書序云湯始居亳從先王居蓋從契父帝嚳所都也地理志河南郡偃師縣有尸鄉殷湯所都續漢志偃師縣屬河南尹劉昭注引皇覽曰有湯亭有湯祠又曰尸

鄉在縣西三十里是湯之都亳在偃師盤庚復遷之其地亦謂之殷鄭注書序云商家自徙此而改號曰殷今偃師是也王注自祖乙五世至盤庚元兄陽甲宮室奢侈下民邑居壅隘水泉瀉鹵不可以行政化故徙都于殷感當讀爲戚說文顛呼也引商書曰率顛衆戚後案以爲貴戚之臣是也史臣記盤庚將由耿遷于亳殷民動于在位之浮言而不往有居盤庚先呼衆貴戚之臣而出誓言

曰我王來既爰宅于茲重我民無盡劉不能胥匡以生卜稽曰其如台

左傳僖十五年晉於是乎作爰田服虔注爰易也史記張湯傳劾鼠掠治傳爰書韋昭注爰換也訓異義同玉篇盡終也釋詁毗劉暴樂也大雅捋采其劉毛傳劉爆燥而希也釋言匡正也言我先王祖乙以來既易居于此所以重我民爲邦本欲其繁庶而不終患寡今我民用蕩析

離居不能相正以生用卜稽之曰如之何則可  
蓋謀遷于天命也

先王有服恪謹天命茲猶不常寧不常厥邑于今  
五邦今不承于古罔知天之斷命矧曰其克從先  
王之烈。

釋詁服事也鄭注湯自商徙亳數商亳器相耿  
爲五邦書序云盤庚五遷此謂湯遷亳仲丁遷  
器河直甲居相祖乙居耿合盤庚遷殷爲五遷  
也書序序所以爲作者之意故數盤庚遷殷而  
爲五矢言述先王之居云五邦不云五遷故鄭  
數商丘而爲五五邦五遷言各有當不得強合  
爲一也此言天命之當遷

若顛木之有由蘖天其永我命于茲新邑紹復先  
王之大業底綏四方

由古文粵省說文粵木生條也引商書曰若顯  
木之有粵栝又云古文言由栝徐鍇曰說文無  
由字今尙書作由栝蓋古文省弓而後人因省  
之通用爲因由等字釋詁栝餘也方言晉衛之  
閒曰栝釋文引馬注肆生曰栝是馬本亦作栝  
也說文木部又引書若顯木之有粵櫛云伐木  
餘也重文藥云櫛字或从木薛聲是藥櫛栝古  
今字竝同商頌苞有三藥漢書敘傳注亦引作  
苞有三栝此言天命遷殷之吉

盤庚敷于民由乃在位以常舊服正法度曰無或  
敢伏小人之攸箴王命眾悉至于庭

說文敷覺悟也釋詁由自也盤庚知民之不適  
有居動於浮言乃覺悟其民而先自在位之臣  
用常舊之事而齊其法度恐民有作箴規闕者  
壅於上聞乃先戒之曰無或敢伏小人之所箴  
王乃命在位之眾悉至外朝之庭以聽訓



王若曰。格汝衆。予告汝訓。汝猷黜乃心。無傲從康。  
釋言猷可也。說文黜。貶下也。王言來汝衆。臣子告以訓典。汝可貶下乃心。無傲亦無從康。

古我先王。亦惟圖任。舊人共政。王播告之修。不匿厥指。王用丕欽。罔有逸言。民用丕變。今汝聒聒。起信險膚。予弗知乃所訟。

說文播。布也。言部引商書曰。王讎告之。云敷也。字缺義同。廣雅指意也。漢書孔光傳。不希指苟合。三篇不字。凡十。皆語辭。周書亦多不字。尺語辭。皆從畧。釋言逸。過也。馬注聒。聒。拒善自用之意。說文引商書曰。今汝慤慤。云善自用之意也。蓋脫落拒字。文異義同。信讀如伸。考工記引而信之。欲其直起。信引信其說也。小雅以奏膚公。毛傳膚大也。說文訟。爭辯也。言古我先王亦惟謀用舊人。以共國政。凡先王播告之修。明能宣上德。而不匿其意。先王用是尊崇。奉命惟謹。而

罔有過言。民亦用是感化。今汝聒聒拒善。引伸此危險。夸大之言。予弗知汝何爲而爭辯乎。

非予自荒。茲德惟汝含德。不惕予一人。子若觀火。

子亦拙謀。作乃逸。

說文含。嗛也。含德猶訟卦云。食舊德也。說文惕。敬也。玉藻。天子自稱曰子一人。觀與燿通。周禮司燿。鄭注。燿。讀如子若。觀火之觀。今燕俗名湯熱爲觀。呂氏春秋。本味篇。燿以燿火。說文。拙。不巧也。火部。引商書曰。子亦燿謀。云。火不光也。義爲暗於謀。意同。言非子由是廢茲德。澤惟汝世。食舊德而不敬予一人。子心之攸困。譬若燿火。子亦拙於謀國。以起汝之過也。

若網在綱。有條而不紊。若農服田。力穡乃亦有秋。

有條不紊。喻我之謀遷正法度。不必畏難。乃亦有秋。喻爾之從遷共喜康。不可惡勞。

汝克黜乃心。施實德于民。至于婚友。丕乃敢大言。

汝有積德。

言汝傲言世有積德然汝能貶下乃心而布實德於民并及於婚姻僚友始可以大言積德

乃不畏戎毒于遠邇。惰農自安。不昏作勞。不服田畝。越其罔有黍稷。

釋詁戎大也昏強也粵于也越與粵通其古期省言汝不畏大害於遠邇而從康不遷如惰農之偷安不勉強以作勞苦不有事于田畝至于收成之期則無有黍稷矣

汝不和吉言于百姓。惟汝自生毒。乃敗禍。姦宄以自災于厥身。乃既先惡于民。乃奉其恫。汝悔身何及。相時儉民。猶胥顧于箴言。其發有逸口。矧予制乃短長之命。汝曷弗告朕。而胥動以浮言。恐沈于

眾若火之燎于原不可嚮邇其猶可撲滅則惟汝  
眾自作弗靖非予有咎。

和讀如鄭風倡子和女之和說文吉善也百姓  
詳堯典周禮大司馬以先愷樂獻于社鄭注先  
猶導也說文承奉也是奉猶承也釋言恫痛也  
說文儉諛也儉利子上佞人也心部引商書曰  
相時懋民云疾利口也文異義同釋言逸過也  
戰國趙策唯大王有意督過之沈如周語沈伏  
之沈廣雅靖安也言汝不和善言于百姓惟汝  
自作孽乃甘為敗禍竊究害人而適自害乃既  
導民以惡則必承其怨痛汝雖後悔而身已無  
及相此利口之小民猶瞻顧于人之箴規而默  
不發其發之則有督過其口矧子為元后能制  
汝殺生之命汝何弗告朕而相動以險膚之浮  
言以嚇伏于眾譬火之燎于平原其烈若不可  
近而終可撲滅此則爾之自作不安而非予之  
過也

遲任有言曰。人惟求舊器。非求舊。惟新。

鄭注。遲任。古之賢史。

古我先王。暨乃祖乃父。胥及逸勤。予敢動用非罰。  
世選爾勞。予不掩爾善。茲予大享于先王。爾祖其  
從與享之。作福作災。予亦不敢動用非德。

左傳。昭元年。弗去懼選。杜注。選。數也。邶風。不可選也。毛傳云。不可數也。從享。周禮。司勳云。凡有功者。銘書于王之常。祭於大烝也。言古我先王。與乃祖乃父。相共此安逸勤勞。予豈敢用不當罰之罰。世世數爾動勞。予亦未嘗掩爾之善。茲予大烝。以享先王。爾祖其從配享。則善作福。惡作災。予亦豈敢動用不當德之德乎。

予告汝于難。若射之有志。汝無侮老成人。無弱孤

有幼。各長于厥居。勉出乃力。聽予一人之作猷。

釋言阻難也。是難猶阻也。釋器金鏃翦羽謂之鏃。骨鏃不翦羽謂之志。儀禮既夕禮。鏃矢一乘。骨鏃短衛志矢一乘。軒輶中亦短衛。鄭注志猶擬也。習射之矢。引書若射之有志。左傳成十五年。蕩澤弱公室。襄十七年。華臣弱臯比之室。杜注。弱侵易之。周禮外饗。邦饗者老孤子。鄭注。孤子者。死王事者之子也。有幼猶下篇云。有眾也。廣雅。長善也。言子告汝以阻艱不前。則當如習射之有志矢。姑試其發。汝無侮慢。老成無侵易。孤子及凡幼者。各自善于其居。勉強出力。以聽予一人之作爲。

無有遠邇。用罪伐厥死。用德彰厥善。邦之臧。惟汝眾。邦之不臧。惟予一人有佚罰。

佚。古與失通。周語。淫失其身。游俠傳。遂行淫失。漢書杜欽傳。失欲生害。皆讀失爲佚。

凡爾眾其惟致告。自今至于後日。各恭爾事。齊乃位。度乃口。罰及爾身。弗可悔。

度古文敷省。說文敷閉也。閉口無浮言。

尚書證義

平湖周用錫述

盤庚中

盤庚作。惟涉河以民遷。乃詁民之弗率。誕告用亶。其有眾咸造。勿褻在王庭。盤庚乃登進厥民。

釋詁亶誠也。其有眾當從蔡傳合下咸造爲句。釋言作造訓同。是造猶作也。史臣記盤庚既啓行。由河北渡河南。以民遷殷。乃再詁民之弗從者。大告而開。以誠其眾。臣咸作。勿得褻慢在王庭。盤庚乃登進其民。使盡遷。

曰。明聽朕言。無荒失朕命。

嗚呼。古我前后。罔不惟民之承。保后胥感。鮮以不



浮于天時。

說文后繼體君承奉也釋名浮孚也聘義孚尹旁達鄭注孚讀爲浮是孚與浮古通君爽若卜筮罔不是孚是也言古我前后無不以民命爲奉民亦保佑其后而相感君民憂樂相同是以凡事無不信合于天時。

殷降大虐先王不懷厥攸作視民利用遷汝曷弗念我古后之聞承汝俾汝惟喜康共非汝有咎比

于罰。

釋言殷中也懷如左傳懷與安之懷聞讀如孟子仁聞之聞王制必察小大之比以成之鄭注已行故事曰比比例也言中葉天降大害先王不敢懷安其所舉動惟視民之所利卽用遷汝何弗思我古后之聞其奉汝使汝者惟欲以喜康相共非以汝有過失而例之於罰也。

子若顛懷茲新邑亦惟汝故以丕從厥志

釋言若順也懷來也周禮小史掌邦國之志鄭司農云志謂記也言子順先王之事招呼共來此新邑者亦惟汝喜康之故以從前志

今予將試以汝遷安定厥邦汝不憂朕心之攸困  
乃咸大不宣乃心欽念以忱動予一人爾惟自鞠  
自若若乘舟汝弗濟臭厥載爾忱不屬惟胥以沈  
不其或稽自怒曷瘳

釋言試用也說文忱誠也動予一人合上爲句釋言鞠窮也濟渡也倉頡篇臭敗也與好通廣雅好敗也載釋文讀如代反臭厥載猶小雅云載輸爾載也說文屬連也其古期省說文稽留止也後漢書馬援傳何足久稽天下士言今予將用汝以遷安定其邦域汝不憂朕心之所困

乃皆不宣布乃心敬念以至誠感動于一人爾  
惟自窮自苦譬之共乘一舟汝中流不渡則必  
敗壞其載今爾不以誠心相連屬惟皆及于溺  
不及期同遷而或稽留雖自怒曷有愈乎

汝不謀長以思乃災汝誕勸憂今其有今罔後汝

何生在上

說文誕詞誕也徐云妄爲大言也廣雅勸助也  
言汝不計長久以思災害而妄爲大言以助人  
之憂是但有今日而罔顧後患其何有生理於  
在上乎言天之斷其命也

今予命汝一無起穢以自臭恐人倚乃身迂乃心

一屬爲一也周語卻擘見其語迂單子曰迂則  
誣人漢書五行志載此語師古注迂夸誕也賈  
子禮容語篇迂作託託說文託詭譎也託迂聲義  
竝同言今予命汝屬爲一無作穢惡以自敗恐  
人有仗汝之身誣汝之心者

子迓續乃命于天子。子豈汝威用奉畜汝衆。

釋詁：迓，迎也。言天將斷汝之命，子迓續乃命于天子。豈以汝威用以奉養汝衆爾。

予念我先神后之勞爾先，予丕克羞爾，用懷爾然。

釋詁：羞，進也。如後漢書和帝紀：賜諸侯王公將軍特進之進。言予念爾舊勳，欲特進爾。用來爾于新邑也。

失于政，陳于茲。高后丕乃崇降罪疾。曰：曷虐朕民。

釋詁：塵，久也。孫炎云：古者陳塵同。釋詁：崇，重也。言予若失于政令而久于耿邑，高后乃重降以罪疾。曰：何爲而虐朕民乎。

汝萬民乃不生生，暨予一人猷同心。先后丕降與汝罪疾。曰：曷不暨朕幼孫有比。故有爽德，自上其

罰汝汝罔能迪。

說文生進也。王注生生進進也。進進同心願欲之意。釋言爽差也。釋詁迪作也。言汝萬民乃不進進從遷與予一人之謀同心。先后則亦降與汝罪疾。曰胡不與朕幼孫協比。故有差忒。自上其罰汝。汝又何能作爲乎。

古我先后。既勞乃祖乃父。汝共作我畜民。汝有戕則在乃心。我先后綏乃祖乃父。乃祖乃父乃斷棄汝。不救乃死。

作當從集韻讀子賀切。釋言作爲也。爲之假借。呂氏春秋審爲篇高誘注讀如相爲之爲大雅福祿來爲箋云爲猶助也。作之假借後漢書廉范傳不禁火民夜作音義云讀若佐是聲轉而義仍相訓。古人訓詁多通於音也。君爽作汝民極立政作三事。呂刑自作元命音義亦皆如佐。

大雅侯作侯祝亦讀子賀切訓義則異則當作  
賊說文賊字从戈則聲簡策脫落傳誤也則在  
乃心屬上爲句周禮夏采以乘車建綏鄭注綏  
當作綏字之誤也又云士冠禮及玉藻冠綏之  
字故書亦多作綏此蓋諉字之誤釋言諉諉累  
也釋文引孫炎云楚人曰諉秦人曰諉說文繫  
傳云諉諉謂不能自決而以屬累於人也言我  
先后既勤勞乃祖乃父汝當共佐我畜養斯民  
汝或有戕賊包藏乃心我先后不自決而諉之  
乃祖乃父乃祖乃父遂棄絕不顧而不救汝之  
罰死

茲予有亂政同位具乃貝玉乃祖乃父丕乃告我

高后曰作丕刑于朕孫迪高后丕乃崇降弗祥

釋詁亂治也說文具共置也漢書食貨志金刀  
龜貝所以通有無也鹽鐵論幣與世易夏后氏  
以元貝釋詁迪道也道與導同言予有治政共  
天位者或共置貨貝寶玉而坐擁不遷乃祖乃

父告高后曰。作丕刑于朕孫。相導高后。而重降。以災禍。表記曰。殷人尊神。率民以事神。故三傷之。以高后之降罰。

嗚呼。今予告汝不易。永敬大恤。無胥絕遠。汝分猷念以相從。各設中于乃心。

易讀如樂記。慢易之易。玉篇設。置也。中。左傳成十三年。劉子曰。民受天地之中以生。是也。古與衷通。廣雅。衷。善也。言今予告汝。不可慢易。當永敬此大患。共遷新邑。而無相絕遠。汝分子之猷念。以從往。各置天良于乃心。

乃有不吉不迪。顛越不恭。暫遇姦宄。我乃劓殄滅之。無遺育。無俾易種于茲新邑。

說文。吉。善也。釋詁。迪。作也。左傳。哀十一年。子胥諫吳王曰。其有顛越不共。杜注。顛越不共。從橫。

不承命者也。廣雅乍暫也。是暫猶乍也。釋言遇偶也。釋詁偶合也。是遇猶合也。我乃劓漢書刑法志云當三族者先黔劓也。易讀如大雅施于孫子之施。箋云施猶易也。延也。言有不善之人既不肯作從橫不承上命乍焉。糾合以爲姦宄我先從劓辟然後刑亂用重典殄滅之而無留遺或生不使延易其種類于新邑也。

往哉生生。今予將試以汝遷。永建乃家。



尙書證義

平湖周用錫述

盤庚下

盤庚既遷。奠厥攸居。乃正厥位。綏爰有眾。

隸釋載漢石經殘碑作般庚既遷般盤古通鄭注徙主于民故先定其里宅所處次乃正宗廟朝廷之位。

曰無戲怠懋建大命。

鄭注勉立我大命使心識教令常行之。

今予其敷心腹腎腸。歷告爾百姓于朕志。罔罪爾眾。爾無共怒。協比讒言。予一人。

堯典正義云鄭注尚書篇與夏侯等同而經字多異夏侯等書心腹腎陽曰憂腎陽按文選魏都賦劉淵林注引盤庚作優賢揚歷管寧傳奏左思賦亦用優賢揚歷語是憂腎陽乃古文優賢揚歷字屬上爲句正義所引鄭本有脫誤百姓詳堯典此開誠以釋前嫌

古我先王將多子前功適于山用降我凶德嘉績于朕邦

立政三亳鄭注東成臯南轅轅西降谷是其地依山故曰適于山也釋詁降落也嘉美也言古我先王成湯將光大前人之業由商王往依于亳之高山用脫落此凶德美其功于朕之邦也

今我民用蕩析離居罔有定極爾謂朕曷震動萬民以遷

書序祖乙圮于耿作祖乙鄭注祖乙又去相居耿而國爲水所毀于是修德以禦之不復徙也

錄此篇者善其國圯毀改政而不徙是祖乙之時已患河圯至盤庚而爲害滋大其勢不得不遷而衆臣反以爲震動萬民也

肆上帝將復我高祖之德亂越我家朕及篤敬恭承民命用永地于新邑

廣雅越治也周語汨越九原說苑指武篇城郭不修溝池不越皆謂治也釋名及急也公羊傳隱元年及猶汲汲也

肆予冲人非廢厥謀弔由靈各非敢違卜用宏茲賁

釋詁弔極訓同是弔猶極也由從訓同是由猶從也廣雅靈善也賁讀如賁卦之賁廣雅賁美也言肆予冲人非棄汝之謀乃極欲從謀之善者爾衆亦非敢違卜稽用是光大此新邑之美

耳

嗚呼。邦伯師長。百執事之人。尚皆隱哉。

釋詁。伯。長也。邦。伯。卿也。釋詁。師。眾也。師長。眾大夫也。廣雅。隱。安也。方言。隱。據定也。歎息言大小之臣。庶幾皆安定哉。

予其懋簡相爾。念敬我眾。

相。如。周禮。上春。相筮之相。鄭注。謂更選擇其著是簡相。猶簡選也。釋名。念。黏也。意相親愛。心黏著。不能忘也。言予懋其簡選。以親愛欽崇我眾。

朕不肩好貨。敢恭生生。鞠人謀人之保居。綬欽。

周頌。佛時仔肩。箋云。仔肩。任也。方言。鞠。養也。廣雅。聚。居也。是居猶聚也。周禮。小宰。六綬。鄭注。綬。秩次也。言朕不任好貨之人。惟勇敢奉命進進。養人謀人之保聚者。秩次欽崇。蓋錄綬從遷之。

功

今我既羞告爾于朕志若否罔有弗欽。

釋詁羞進也。釋詁若臧訓同。是若猶臧也。若否即大雅臧否。否讀若鄙。屬上爲句。臧即上文云。敢恭生生。否即上文云。不肩好貨也。大雅邦國若否。文義相同。言今我既進告爾于朕志之所臧否如此。爾其罔有弗欽。

無總于貨寶。生生自庸。

說文總聚束也。周禮司勳民功曰庸。言無聚貨賄寶玉。惟進進以立民功。

式敷民德。永肩一心。

釋言式用也。言汝用布民德。永任以一心。

尚書證義

平湖周用錫述

高宗彤日

高宗彤日。越有雝雝。

釋天釋又祭也。周曰釋。商曰彤。夏曰復。昨月令。鄭注雝雝雄雝鳴。

祖已曰。惟先格王。正厥事。

鄭注祖已謂其黨。

乃訓于王曰。惟天監下民。典厥義。降年有永。有不永。非天天民。民中絕命。

說文監臨下也。廣雅典主也。義當讀如儀。周禮肆師注。鄭司農云。古者書儀。但爲義釋。詁儀善。

尚書證義

卷七

友伏齋本

也。有不永爲句。廣雅天折也。中讀如射中之中。言天之臨下民惟主其善降年使有永其有不永者非天之短折其民乃民適中其絕命爾。此言善人之修短亦有數。

民有不若德不聽罪。天既孚命正厥德乃曰其如台。

孚當作俘。簡策偏旁摩滅也。釋詁俘取也。俘命猶奪其魄也。漢書孔光傳引作付命而釋之云。天既付命罰之亦此意也。言民有不順德不聽罪者天既取其命以正其德乃曰其如何是無所禱也。此言凶人之年數乃自折。

嗚呼王司敬民罔非天胤典祀無豐于昵。

廣雅司主也。釋詁昵近也。

尚書證義

平湖周用錫述

西伯戡黎

釋詁戡克也說文引商書西伯戡黎云殺也漢書引洽州鳩曰王心弗戡孟康注戡古堪字釋詁郭注亦引作西伯堪黎是戡戡堪古今字音義竝同黎說文邑部又作鬻云殷諸侯國在上黨東北商書西伯戡鬻篆文國名多从邑如奄之爲鬻許之爲鬻正相同也大傳又作西伯戡者史記殷本紀又作飢徐廣曰飢亦作飢皆未詳

西伯既戡黎祖伊恐奔告于王

鄭注西伯周文王也時國于岐封爲雍州伯也南兼梁荆國在西故曰西伯戡黎入紂圻內漢書地理志上黨郡壺關縣有羊腸坂沾水東至朝歌入淇應劭注黎侯國也今黎亭是通典云



潞州上黨縣古黎侯國西伯戡黎卽此漢爲壺  
關縣又云壺關縣古黎國地有羊腸坂後魏移  
壺關縣于此又括地志云故黎城黎侯國也在  
潞州黎城縣東北十八里據此諸說則漢魏唐  
宋之壺關上黨黎城三縣皆古黎國地蓋商畿  
內之諸侯而其故墟則實在黎亭故九域志云  
潞州黎侯亭在黎侯嶺上也蔡澤謂應侯曰決  
羊腸之險塞太行之道王莽命王嘉曰羊頭之  
阨當燕趙卽此元和郡縣志太行陘在懷州北  
濶三步長四十里羊腸所經瀑布懸流實爲險  
隘是周之戡黎旣得太行羊腸之險去朝歌僅  
三百餘里故祖伊恐而奔告也

曰天子天旣訖我殷命格人元龜罔敢知吉非先  
王不相我後人惟王淫戲用自絕。

玉篇訖畢也罔敢知吉論衡云吉人鑽龜輒從  
善兆凶人揲著輒得逆數紉至惡之君也當時  
災異繁多七十卜而皆凶也

故天棄我。不有康食。不虞天性。不迪率典。

廣雅虞安也。儀禮士虞禮注。虞猶安也。廣雅迪蹈也。

今我民罔弗欲喪。曰天曷不降威。大命不孳。今王其如台。

周南關雎箋云。孳之言至也。史記作大命胡不至。唐石經命字下旁增胡字。是初時脫誤。後來旁增。今本復脫也。說文引商書曰。大命不孳。云至也。讀若孳。是孳。至音義俱同。此祖伊述民之怨言。而以爲今王其如之何。

王曰。嗚呼。我生不有命在天。

史記殷本紀云。紂知足以拒諫。言足以飾非。

祖伊反曰。嗚呼。乃罪多參在上。乃能責命于天。

玉篇。公。累。塹。爲。牆。壁。也。尙。書。以。爲。參。字。是。本。作。公。讀。若。參。後。遂。改。公。爲。參。又。說。文。參。字。从。公。汗。簡。卷。中。亦。有。參。云。見。尙。書。是。古。文。本。从。公。玉。篇。之。公。已。爲。隸。變。也。說。文。責。求。也。左。傳。桓。十。三。年。宋。多。責。賂。于。鄭。

殷之卽喪。指乃功。不無戮于爾邦。

玉篇。卽。就。也。說。文。戮。殺。也。

尚書證義

平湖周用錫述

微子

微子若曰。父師少師。殷其弗或亂正四方。我祖底遂陳于上。我用沈酗于酒。用亂敗厥德于下。

鄭注。父師者三公也。箕子爲之少師者。太師之佐孤卿也。時比干爲之微。與其俱在圻內。箕子比干紂之諸父。說文或邦也。重文。域是或卽域也。釋詁。亂治也。域治正四方。卽商頌云。正域彼四方。肇域彼四海也。釋言。底致也。小雅。飢成不遂。毛傳。遂安也。古者甸陳相同。小雅。維禹甸之。毛傳。甸治也。周禮。鄭注。引作維禹陳之。微子呼父師少師而言。殷其弗復正域彼四方矣。我祖成湯致安治于上。而我用沈酗于酒。用是亂敗其德于下。言我用者不斥言紂也。

殷罔不小大。好草竊姦宄。卿士師師非度。凡有辜罪。乃罔恆獲。小民方興。相爲敵讎。今殷其淪喪。若涉大水。其無津涯。殷遂喪越至于今。

商頌降于卿士。實惟阿衡。竹書紀年武丁元年命卿士甘盤。六年命卿士傅說。是卿士殷之執政者也。度讀如小雅周爰諮度之度。非度猶不問也。釋詁恆常也。方讀如旁。鄭注士喪禮云。古文方爲旁。說文旁溥也。史記宋世家作小民竝興。義正同。越至于今屬上爲句。左傳成二年射其左。越于車下。杜注越隊也。言殷民無論小大皆樂爲草竊姦宄。其執政之卿士師師在位而置之不問。凡民之有辜罪無有以常法捕獲者。于是小民竝起報復。相爲敵讎。今殷之淪于喪亡。譬涉大川。其無濟渡之處。涯岸之依。殷遂喪墜其天命至于今也。

曰。父師少師。我其發出狂。吾家老遜于荒。今爾無

指告子顛躋若之何其。

狂當讀爲往。史記宋世家作我其發出往。集解引鄭注我其起作出往也。馬注卿大夫稱家。家耄康誥云商考成人也。釋言遜遜也。告字當屬上爲句。說文足部云躋升也。引商書曰子顛躋。史記宋世家今女無故告子顛躋。集解亦讀告字絕句。子顛躋爲句。躋訓爲升。反其義亦爲墜。左傳昭十三年知躋于溝壑是也。顛躋謂死難也。躋躋音義同。

父師若曰王子天毒降災荒殷邦方興沈酗于酒乃罔畏畏。嘒其耆長舊有位人。

說文毒厚也。史記作天篤。下留亡殷國。釋詁篤厚也。文異義同。前漢書張騫傳身毒在大夏東南。李奇注一名天篤是毒與篤古通。廣雅畏畏敬也。說文嘒違也。大雅告爾舊止箋云舊久也。

今殷民乃攘竊神祇之犧牲牲用以容將食無災。

鄭注儀純毛牲體完具用如周禮牧人陽祀用駢牲陰祀用騶牲之用釋詁將大也災如舜典眚災肆赦之災言今殷民甚敢攘竊郊社之養牲于以容隱其大嚼而不爲之罪刑罰之縱失如此

降監殷民用乂讎斂召敵讎不怠罪合于一多瘠

罔詔。

釋詁降下也說文監臨下也釋詁乂治也用乂讎斂大雅云曾是彊禦曾是掎克也召敵讎大雅云寇攘式內也不怠大雅云女興是力也罪合于一大雅云侯作侯視靡屈靡究也多瘠罔詔大雅云無陪無卿也詔若周禮大宰以八柄詔王之詔言其下臨殷民則又治之如讎以暴斂凡足以召敵讎者不遺餘力於是罪惡皆集于一人而民之疾苦亦無有告王者

商今其有災我興受其敗商其淪喪我罔爲臣僕

詔王子出迪。我舊云刻子。王子弗出。我乃顛隤。

廣雅有取也。玉篇同。說文敗毀也。彘部引商書曰。我興受其退。云敷也。義相同。廣雅迪蹈也。左傳哀二十一年。使我高蹈。廣雅刻分也。言商今其自取災。我起而適當其敷。商若淪于喪亡。我以宗人位三公。義無爲臣僕。今指告王子出亡。高蹈。我舊日曾言分封子。而王子弗就出封。我將來乃惟顛隤耳。

自靖。人自獻于先王。我不顧行遯。

釋詁靖謀也。又享孝也。享獻也。是獻猶孝也。言善自爲謀。各人自孝于先王。我則不敢顧念行遯爾。蓋微子爲王子。無職守。箕子爲三公。義不可去。



尚書證義

平湖周用錫述

周書牧誓

時甲子昧爽，王朝至于商郊，牧野，乃誓。王左杖黃鉞，右秉白旄，以麾，曰：「逖矣，西土之人。」

史記甲子，上有二月，字周語，伶州鳩對景王曰：昔武王伐殷，歲在鶉火，月在天駟，日在析木之津，辰在斗柄，星在天龍，星與日辰之位，皆在北維，顛頊之所建也。漢書律歷志據以爲說云：三統上元至伐紂之歲，十四萬二千一百九歲，歲在鶉火，張十三度，書序曰：十一年，武王伐紂，泰誓八百諸侯會，還歸二年，乃遂伐紂，克殷，以箕子歸，子歸十三年也。故書序曰：武王克殷，以箕子歸，作洪範，洪範篇曰：惟十有三祀，王訪于箕子，自文王受命至此十三年，歲在鶉火，周之分野也。

尚書證義

卷十

一

友伏齋本

師初發以殷十一月戊子日在房五度房爲天駟故  
傳曰日在析木是夕月在房正月辛卯朔合辰  
傳曰月在天駟後三日得周正月辛卯朔合辰  
在斗前一度斗柄也故傳曰辰在斗柄明日壬  
辰晨星始見癸巳武王始發丙午逮師戊午度  
孟津孟津去周九百里師行三十里故三十一  
日而度明日己未冬至晨星與婺女伏歷建星  
及牽牛至于婺女天龍之首故傳曰星在天龍  
周書武城篇惟一月壬辰旁死霸若翌日癸巳  
武王朝步自周于征伐紂序曰一月戊午師度  
孟津至庚申二月朔日也四日癸亥至牧野夜  
陳甲子昧爽而合矣故傳曰王以二月癸亥夜  
陳武城篇曰粵若來二月既死霸粵五日甲子  
咸劉商王紂也說文昧闇也爽明也周語伶州  
鳩曰王以二月癸亥夜陳未畢而雨以夷則之  
上宮畢之六韜云武王東伐至河上雨甚雷疾  
太公率衆先涉呂氏春秋貴因覽云武王至鮪  
水殷使膠鬲候師武王告以甲子膠鬲行天雨  
日夜不休武王疾行不輟據此諸書是戊午師  
逾孟津連日天雨晦冥至甲子其昧忽明故大

雅云會朝清明毛傳以會朝爲甲朝鄭箋亦卽引牧誓昧爽以証清明也鄭注郊外曰野將戰于郊故至牧野而誓牧野紂南郊地說文作野云朝歌南七十里地武王與紂戰于野玉篇云古文尚書作姆野說文逖遠也重文邊云古文逖釋詁邊遠也郭注引書作邊矣西土之人

王曰嗟我友邦冢君御事司徒司馬司空亞旅師氏千夫長百夫長

左傳文十五年宋華耦來盟公與之宴辭請承命于亞旅杜注亞旅上大也正義引牧誓爲証成三年魯賜晉三帥三命之服亞旅皆一命之服杜注亞旅大夫也周禮地官師氏掌以徽詔王王舉則從使其屬帥四夷之隸各以其兵服守王之門外其官中大夫而職任綦重故特舉之也鄭注千夫長師帥也百夫長旅帥也

及庸蜀羌髳微盧彭濮人

左傳宣七年凡出師與謀曰及文十六年庸人  
帥羣蠻以叛楚杜注庸今上庸縣屬楚之小國  
華陽國志武王伐紂實得巴蜀之師說文羌西  
戎牧羊人也商頌自彼氐羌箋云氐羌夷狄國  
在西方者小雅如蠻如髦毛傳髦夷髦也箋云  
髦西夷別名山海經積石山有髦民後漢書西  
羌傳武王伐商羌髳率師會牧野微見立政他  
無可考左傳桓十三年屈瑕伐羅羅與盧戎兩  
軍之杜注盧戎南蠻釋文盧如字本或作廬音  
同據此則文十六年傳楚使廬如字本或作廬音  
史記又作縑蓋古文左傳桓十二年楚伐絞楚  
師分涉于彭杜注彭水在新城昌魏縣孔疏引  
釋例云彭水至南鄉筑陽縣入漢水經注筑水  
出梁州新城郡昌魏縣界杜預以爲彭水也鄭  
語史伯曰叔逃難于濮而蠻又楚蚡昌始啓濮  
章昭注濮南蠻之國左傳文十六年麋人率百  
濮聚於選釋例云建寧郡南有濮夷無君長總  
統各以邑落自聚故稱百濮又稱叟濮後漢書

李恢傳賦出叟濮是也

稱爾戈比爾干立爾矛予其誓。

方言戟楚謂之子吳揚之閒謂之戈楯自關而東或謂之楯或謂之干關西謂之楯是戈卽戟干卽楯也考工記廬人爲廬器酋矛常有四尺夷矛三尋

王曰古人有言曰牝雞無晨牝雞之晨惟家之索孔傳索盡也

今商王受惟婦言是用昏棄厥肆祀弗答昏棄厥遺王父母弟不迪乃惟四方之多罪逋逃是崇是長是信是使是以爲大夫卿士俾暴虐于百姓以姦宄于商邑。

王父母弟釋親謂之從父昆弟釋詁迪進也。不迪史記作不用義同。左傳宣十二年樂武子曰師叔楚之崇也。杜注楚人所崇貴。

今予發惟恭行天之罰。今日之事，不愆于六步七步，乃止齊焉。夫子助哉。

鄭注：好整好暇，用兵之術。釋詁：助，勉也。方言：齊，魯謂勉曰助。

不愆于四伐五伐六伐七伐，乃止齊焉。助哉夫子。

鄭注：伐，謂擊刺也。一擊一刺曰一伐。始前就敵，六步七步當止齊正行列，及兵相接，少者四伐，多者五伐，又當止齊正行列也。

尚桓桓如虎，如貔，如熊，如羆于商郊。弗迓克奔，以役西土。助哉夫子。

釋訓桓桓威也說文引周書曰尚桓桓釋文遂  
馬本作禦鄭注禦強禦謂強暴也是馬鄭同史  
記亦作禦釋詁克殺也穀梁傳隱五年戰不逐  
奔言不得強禦殺奔北者以勞役我西土之人  
爾所弗勛其于爾躬有戮

廣雅戮罪也

尙書證義

平湖周用錫述

洪範

釋詁洪大也。範法也。伏生大傳蔡邕石經竝作鴻。鴻洪古通。洪範武王所訪。故史臣錄之以列周書。箕子所作。故傳記所引皆以爲商書。

惟十有三祀王訪于箕子。

釋天商曰祀周曰年。此周書而稱祀者。武王克殷之初尙未改祀爲年。故史書仍商之稱。猶逸周書柔武解云維王元祀大開武解惟王一祀。小開武解惟王二祀。寶典解鄧謀解惟王三祀。大匡解文政解惟十有三祀也。釋詁訪謀也。說文汎謀曰訪。王制鄭注殷爵三等公侯伯也。異畿內謂之子鄭志答張逸問云微子箕子畿內采地之爵非畿外治民之君。汗簡云箕子古文箕。

尙書證義

卷十一

友伏齋本



見尚書莊子大宗師篇箕子胥餘司馬彪注胥餘箕子名也書序云武王勝殷殺紂立武庚以箕子歸作洪範是訪範在宗周不在商邑孔傳此年四月歸宗周先告武成次問天道史記宋世家云既作洪範武王乃封箕子于朝鮮

王乃言曰嗚呼箕子惟天陰隲下民相協厥居我不知其彝倫攸斁。

公羊傳宣八年乃緩辭也漢書五行志此武王問洛書于箕子是武王知箕子衍範故特鄭重訪之也廣雅隲定也釋詁相勗也協和也史記宋世家作陰定下民相和厥居王言惟天陰定下民助之合和其居我未知聖人之則天其彝倫果何如得所斁也

箕子乃言曰我聞在昔鯀陞洪水汨陳其五行帝乃震怒不畀洪範九疇彝倫攸斁鯀則殛死禹乃

嗣興天乃錫禹洪範九疇彝倫攸敘。

五行志此箕子對禹得洛書之意也。孔傳墜塞汨亂也。周語太子晉曰共工壅防百川墜高墜。庠以害天下。崇伯稱遂共工之過是也。說文引商書曰鯀堙洪水云。堙塞也。堙墜古今文音義竝同。釋詁震動也。異賜也。敦釋文讀多路反。大雅耗敦下土。箋云敦敗也。說文引商書曰彝倫攸燁云。敗也。汗簡云燁古文敦。見尚書五行志。易曰河出圖洛出書。聖人則之。劉歆以爲伏羲繼天而王。受河圖則而畫之。八卦是也。禹治洪水。錫洛書法而陳之。洪範是也。九疇。劉歆班固皆以爲九章。鄭注孔傳皆以爲九類。

初一曰五行。次二曰敬用五事。次三曰農用八政。次四曰協用五紀。次五曰建用皇極。次六曰乂用三德。次七曰明用稽疑。次八曰念用庶徵。次九曰

嚮用五福威用六極。

釋文引馬注五行至六極是洛書文劉炫以爲  
洛書龜文惟二十字其初一日二十七字敬用  
農用一十八字禹所第序是劉與馬同也漢書  
五行志劉歆以爲凡此六十五字皆洛書本文  
正義謂天言簡要必無次第之數是也敬五行  
志及孔光傳竝引作羞說文敬肅也从支苟會  
意古文作等隸遂譌敬爲羞以形相似也敬用  
五事卽臯陶謨云慎厥身修也廣雅農勉也左  
傳襄十三年君子尙能而讓其下小人農力以  
事其上管子大匡篇耕者用力不農有罪無赦  
皆古者謂勉爲農也農用八政卽益稷云率作  
興事也協五行志作叶應用注叶合也說文叶  
古文協今漢書誤作叶協用五紀卽堯典云欽  
若昊天也釋詁皇君也周頌莫匪爾極毛傳極  
中也商頌四方之極箋云極中也建用皇極卽  
論語云允執厥中也釋詁又治也五行志作艾  
師古注艾讀曰父古又艾通詳堯典又用三德  
卽臯陶謨云能官人也釋訓明明察也明用稽

疑卽左傳引夏書曰官占惟先蔽志昆命于元  
龜也釋詁念思也念用庶徵卽益稷云勅天之  
命惟時惟幾也嚮如說卦嚮明而治之嚮威如  
益稷否則威之威嚮用五福威用六極卽舜  
典云黜陟幽明也只用皆謂人君用之五行不  
言用者左傳襄二十七年子罕曰天生五材民  
竝用之廢一不可故不必言用也

一五行。一曰水。二曰火。三曰木。四曰金。五曰土。

鄭注此數本諸陰陽所生之次也漢書五行志  
天曰一生水地曰二生火天曰三生木地曰四  
生金天曰五生土五位皆曰五而合而陰陽易  
位故曰妃曰五成然則水之大數六火七木八  
金九土十故水曰天一爲火二牡木以天三爲  
土十牡土十曰故水曰五爲水六牡火曰天七爲金四  
牡金曰天九爲木八牡陽奇爲牡陰耦爲妃也  
蓋洪範所敘五行之生數月令所舉五行之成  
數繫辭所云天一地二天三地四天五地六天  
七地八天九地十此五行生成之數也至于水

尚書證義

卷十一

三

友伏齋本

火金木土者六府孔修之序也。木火土金水者四時相生之序也。木金水火土者五德相勝之序也。史記宋世家五行以下無一二等字。漢石經竝同。

水曰潤下。火曰炎上。木曰曲直。金曰從革。土爰稼

穡。

釋詁爰曰也。王注種之曰稼。斂之曰穡。正蒙曰。水火氣也。故炎上潤下。與陰陽升降。土不得而制焉。木金者土之華實也。其性有水火之雜。故木之爲物。水漬則生。火然而不離也。蓋得土之浮華于水。火之變也。金之爲物。得火之精于土。燥得水之精。于土之濡。故水火相得而不害。燥之反流而不耗。蓋得土之精實于水火之際也。木曰曲直。能既曲而反申也。金曰從革。一從革而不能自反也。土者物之所以成。始而終也。地之質也。化之終也。水火之所以升降。物兼體而不遺也。

潤下作鹹炎上作苦曲直作酸從革作辛稼穡作

甘。

月令鄭注鹹水之味凡鹹者皆屬焉苦火之味凡苦者皆屬焉酸木之味凡酸者皆屬焉辛金之味凡辛者皆屬焉甘土之味凡甘者皆屬焉五味言作者夏氏謂五行之初未成五味久之而後變爲其味也

二五事。一曰貌。二曰言。三曰視。四曰聽。五曰思。

鄭注此數本諸陰陽昭明人相見之次也漢書五行志五事配五行謂貌木言金視火聽水思土也董仲舒劉歆眭孟之言災異鄭注大傳及孔傳孔疏竝同此說

貌曰恭言曰從視曰明聽曰聰思曰睿

孔子閒居氣志既從鄭注從順也左傳文十四年趙宣子曰其詞順襄二十五年趙文子曰其

辭順是言貴順也說文叡深明也通也睿古文  
叡鄭注睿通于政事漢書五行志作容應劭注  
容通也容蓋容之誤說文容深通川也引虞書  
曰容畎澮距川是容卽古文濬也春秋繁露述  
五行五事篇云思曰容言王者心寬大無所不  
容是直讀容爲容蓋今文正論云己之貌使人  
視之而可畏可象是曰恭己視之而知其邪正  
有倫有脊是曰從人之貌已視之而知其邪正  
是曰明人之言已聽之而知其是非是曰聰當  
貌思貌當言思言當視思視當聽思聽而能通  
乎微以致其恭從明聰是曰睿貌言視聽思蒸  
民所謂有物也恭從明聰睿蒸民所謂有則也

恭作肅從作又明作哲聰作謀睿作聖

鄭注君貌恭則臣禮肅君言從則臣職治君視  
明則臣昭哲君聽聰則臣進謀君思睿則臣賢  
智此所致皆是小君致臣謂其政所致也哲五行  
志作慤小雅小旻曰國雖靡止或聖或否民雖  
靡盬或哲或謀或肅或艾五事之德見于他經  
者惟此而已

三八政。一曰食。二曰貨。三曰祀。四曰司空。五曰司徒。六曰司寇。七曰賓。八曰師。

鄭注此數本諸其職先後之宜也。大傳云八政何以先食。食者萬物之始。人事之所本也。故先食貨所以通有無。利民用。故卽次之。食貨既足。民生厚矣。成民而後致力于神。故次祀。王制云。食節事時。民咸安其居。樂事勸功。尊君親上。然後興學。故司空在司徒之先。先教而後誅。故司寇在司徒之後。德立刑行。遠方賓服。故次賓。其有暴虐無道。不率化者。則六師征之也。按八政言司寇不言士。皇極言遵王不言帝。則自一行以下。箕子衍以廣九疇之義。而非禹所紘之辭。

四五紀。一曰歲。二曰月。三曰日。四曰星辰。五曰歷數。



分至啓閉紀於歲者也朔望朏霸紀於月者也  
永短昏昕紀於日者也列星見伏昏旦中日月  
躔凌紀於星辰者也盈宿經緯終始相差紀於  
歷數者也紀於歲者察之日行發斂紀於月者  
察之日月之會交道表裏紀於日者察之晝夜  
刻漏出入里差紀於星辰者察之十有二次暨  
星與黃赤道相值紀於歷數者察之圭業隨時  
測驗積微成著修正而不失

五皇極皇建其有極斂時五福用敷錫厥庶民惟  
時厥庶民于汝極錫汝保極

釋詁斂聚也說文敷施也敷錫若漢書鼂錯云  
人情莫不欲壽三王生之而不傷人情莫不欲  
富三王厚之而不困人情莫不欲安三王扶之  
而不危人情莫不欲逸三王節其力而不盡是  
也幽風晝爾于茅毛傳于往取也曰汝者九疇  
天錫箕子推天意以垂法戒非稱武王之辭也  
敷錫是上錫下錫保是下錫上古者上下通稱  
錫也詳堯典言人君建立中德聚天之五福于

一身用是施錫諸庶民。惟時之庶民往取汝極而歸心亦錫汝以保安此極。

凡厥庶民無有淫朋。人無有比德。惟皇作極。

人在位者淫朋若史記游俠傳是也比德若漢書黨錮傳是也言在野之民無淫朋在朝之人無比德惟人君有以作之極也。

凡厥庶民有猷有爲有守。汝則念之不協于極。不罹于咎。皇則受之。而康而色。曰予攸好德。汝則錫之福。時人斯其惟皇之極。

釋詁猷謀也。方言念常思也。罹史記引作離。大傳引作麗。罹離麗古竝通。說文咎災也。釋詁皇君也。淮南子轉化推移得之道而以少勝多。高誘注而能也。呂氏春秋士容論柔而堅。虛而實。高誘注而能也。而與能古通。屯卦象傳宜建侯而不寧。鄭注而作能。履卦六三眇能視。跛能履。

虞翻注能作而說文子推子也釋詁時是也釋言斯離也離卦彖傳離麗也言凡厥庶民有謀有爲有守者是爲全材汝則常思其人其或不協于中亦不罹于災是乃中材君則容保之以能平康正色辨論推爲攸好德者汝乃錫之以爵祿是在位之人亦附麗于惟皇之極矣

無虐癸獨而畏高明。

馬注高明顯寵者揚雄解嘲云高明之家鬼矚其室是也言小民之孤苦者不可虐強宗之尊顯者不可畏

人之有能有爲使羞其行而邦其昌凡厥正人既富方穀汝弗能使有好于而家時人斯其辜于其無好德汝雖錫之福其作汝用咎。

釋詁羞進也正長也古者一官之長皆謂之正國語南正重司天北正黎司地左傳五行之官

有木正火正金正水正土正而稷爲田正虞思  
爲陶正滕侯爲卜正周禮天官之屬有宮正酒  
正皆是也富周禮太宰云祿以馭其富也釋詁  
穀善也說文好美也如論語室家之好之好無  
好德猶不好德也言人之有能有爲者勸之使  
進其行則國事治而克昌凡百官之長旣富其  
祿方善其職汝若弗能使之贍足于家則無以  
養廉是人將麗于罪矣然底祿以德苟于不好  
德之人汝雖錫之以福其反爲汝用災

無偏無陂。遵王之義。無有作好。遵王之道。無有作  
惡。遵王之路。無偏無黨。王道蕩蕩。無黨無偏。王道  
平平。無反無側。王道正直。會其有極。歸其有極。

此布爲言以教民所謂敷言也。陂孔傳及漢石  
經竝作頗。唐元宗以上下文皆協韻。惟頗字不  
倫。據周易泰卦詔改頗爲陂。然周禮肆師注鄭  
司農云義讀爲儀。古者書儀但爲義。吳才老韻

補儀牛何反古皆音俄則頗與義本相協也馬  
注好私好也說文引商書曰無有作政玉篇又  
作玁云古文好鄭注會其有極謂君也當會聚  
有中之人以爲臣也歸其有極謂臣也當就有  
中之君而事之

曰皇極之敷言是彝是訓于帝其訓凡厥庶民極  
之敷言是訓是行以近天子之光曰天子作民父  
母以爲天下王。

廣雅訓順也史記宋世家作于帝其順古者訓  
順馴多互其讀周禮土訓鄭司農讀訓爲馴易  
馴致徐邈讀馴爲訓史記能馴俊德索隱云徐  
廣讀馴曰訓廣雅馴順也蓋音近義同說文近  
附也春秋繁露王者民之所往也說文王天下  
所歸往也言人君于皇極之敷言是法是順而  
于天意其順則凡厥庶民亦于極之敷言順之  
無偏黨行之遵道路以附天子之光咸相與感

曰天子作民父母以爲天下所歸往此言錫保之效也

六三德。一曰正直。二曰剛克。三曰柔克。平康正直。彊弗友。剛克。變友。柔克。沈潛剛克。高明柔克。

正直正之以直也。釋詁克勝也。言君之治臣用此三德其性行平康者則正之以直而使不流于唯阿性行彊弗友者克之以剛而使不涉于驕蹇性行變友者克之以柔而使不至于畏憚性行沈潛者亦克之以剛而使激于發揚性行高明者亦克之以柔而使歸于篤實

惟辟作福。惟辟作威。惟辟玉食。臣無有作福作威。玉食。臣之有作福作威玉食其害于而家。凶于而國。人用側頗僻。民用僭忒。

釋詁辟君也。鄭注作福專爵賞也。作威專刑罰也。玉食備珍異也。害于女家福去室凶于女國

亂下民此言君治人之權不可下移臣職不可上僭

七稽疑擇建立卜筮人乃命卜筮

廣雅稽問也說文引書曰卜疑云卜以問疑也讀與稽同卜稽古今文左傳引夏書曰官占祖伊奔告王曰格人是夏商亦立卜筮之官也左傳晉侯使卜偃卜之秦伯使卜徒父筮之是居此官者乃命之不使不立者占古之制也

曰雨曰霽曰蒙曰驛曰克曰貞曰悔凡七卜五占

用二衍忒

鄭注雨者兆之體氣如雨然也霽者兆如雨止之雲氣在上也周禮太卜注引作曰濟史記宋世家亦作曰濟釋天濟謂之霽是濟霽義同也蒙古文作霽鄭注霽者色不澤鬱冥冥也宋世家作霽說文霽地氣發天不應霽籀文霽省是霽即霽也太卜注又引作曰孟蓋聲之假借鄭

讀柔聲近蒙孔傳遂改柔爲蒙也驛今文作圍  
鄭注圍者色澤而光明也齊風載驅箋云古文  
尚書以悌爲圍正義云洪範卜兆有曰圍古文  
作悌今文作圍賈逵以今文校之定爲圍故鄭  
依賈氏所奏爲圍也說文引書圍讀若驛孔傳  
遂改圍爲驛也宋世家又作涕蓋古文悌之誤  
其史記引鄭注及太卜注皆以驛在蒙之前鄭  
注克者如祲氣之色相犯也周禮太卜注引作  
曰剋剋克音義並同鄭注內卦曰貞貞正也外  
卦曰悔悔之言晦晦猶終也左傳僖十五年蠱  
之貞風也其悔山也杜注內卦爲貞外卦爲悔  
晉語得貞屯悔豫皆八韋昭注內曰貞外曰悔  
是杜與韋皆同鄭也說文引商書曰貞曰卨云  
卨卨之上體也卨卨古今文音義相同說文占  
視兆問也宋世家作占之用繫辭大衍之數五  
十其用四十有九鄭注衍演也合天地之數演  
而用之十有八變而成卦大雅鞠人伎忒毛傳  
忒變也說文忒更也訓異義同古文忒作貞豫  
卦四時不忒京房易亦作貞是貞與忒古通鄭  
注卜五占之用謂雨霽圍雩克也二衍貞謂貞



悔也。卦象多變，故言衍貞。蓋言總計之凡七，其卜之兆象有五，爲占者之用。貞悔二者，則演其六爻參伍之變也。

立時人作卜筮，三人占，則從二人之言。

周禮太卜掌三兆之法，一曰玉兆，二曰瓦兆，三曰原兆，掌三易之法，一曰連山，二曰歸藏，三曰周易。是卜筮各有三法，三法並卜，法有一人，故三人也。金縢乃卜三龜，一習吉，儀禮士喪禮卜葬，日占者三人，貴賤俱用三龜，是古者三法並卜也。從二人，左傳成六年，樂武子曰：善鈞從衆也。

汝則有大疑，謀及乃心，謀及卿士，謀及庶人，謀及卜筮，汝則從，龜從，筮從，卿士從，庶民從，是之謂大卜。筮，汝則從，龜從，筮從，卿士從，庶民從，是之謂大

同身，其康彊，子孫其逢吉。汝則從，龜從，筮從，卿士

逆庶民逆吉。卿士從龜從筮從。汝則逆。卿士逆吉。汝則從。龜從筮逆。庶民從龜從筮從。汝則逆。卿士逆吉。汝則從。龜從筮逆。卿士逆。庶民逆。作內吉。作外凶。龜筮共違于  
人用靜吉。用作凶。

謀及乃心。左傳引夏書曰。惟先蔽志。是也。卿士詳微子。謀及庶人。周禮小司寇云。掌外朝之政。以致萬民而詢焉。是也。子孫其逢。當與上文從同。叶音爲句。吉字當與下文五吉例。爲句。馬注逢大也。儒行逢掖之衣。鄭注逢大也。是子孫其逢十二子篇其衣逢楊倞注逢大也。故三從二逆猶其後必大也。稽疑不能皆大同。故三從二逆亦得爲吉。若盤庚之卜遷殷成王之卜東征。是也。然三從之中。必龜筮皆從。而人謀或違。始可以信。蓋以鬼神無私。而人心或有欲也。

八庶徵。曰雨。曰暘。曰燠。曰寒。曰風。曰時。五者來備。

各以其絀庶草蕃廡。

鄭注雨木氣也春始施生故木氣爲雨暘金氣也秋物成而堅故金氣爲暘煥火氣也寒水氣也風土氣也凡氣非風不行猶金木水火非土不處故土氣爲風釋詁時是也曰時屬下爲句廡古文作無說文引商書曰庶草蕃無云豐也讀文甫切玉篇蕃無豐盛也今作無爲有無字按說文廡堂下周屋也蕪蕪也無亡也四字義各相別後人以無爲有無之無以蕪爲蕃無之無復借廡爲無而無字遂廢而不用言是五者之來具備無闕各應節候則萬物莫不遂其生雖庶草之微亦有蕃廡之象矣此言庶徵之休

一極備凶。一極無凶。

極備若月令云寒氣時發風災數起也極無若月令云時雨不降方冬不寒也凶若月令云其民大疫其國大水寇戎來征蟲螟爲害也此言庶徵之咎

曰休徵曰肅時雨若曰乂時暘若曰哲時燠若曰謀時寒若曰聖時風若

此言五事之得應休徵孔傳君行敬則時雨順之君行政治則時暘順之君能照哲則時燠順之君能謀則時寒順之君能通理則時風順之

曰咎徵曰狂恆雨若曰僭恆暘若曰豫恆燠若曰急恆寒若曰蒙恆風若

此言五事之失應咎徵不言極無者恆雨無暘恆燠無寒言極備則極無可知也孔傳君行狂疾則常雨順之君行僭差則常暘順之君行豫則常燠順之君行急躁則常寒順之君行蒙闇則常風順之又漢書五行志貌之不恭是謂不肅厥罰恆雨惟金沴木言之不從是謂不乂厥罰恆暘惟木沴金視之不明是謂不哲厥罰恆燠惟木沴火聽之不聰是謂不謀厥罰恆寒

惟火沴水思之不睿是謂不聖厥罰恆風惟木  
金水火沴土是五事應庶徵亦應五行以兩陽  
燠寒風本由五行之氣其理相爲貫通也

曰王省惟歲卿士惟月師尹惟日。

省若漢書天文志云明君視之而寤飭身正事  
思其咎謝其過也卿士詳微子釋詁師衆也釋  
言尹正也師尹衆官之正言王當省察一歲之  
庶徵卿士當省察一月之庶徵師尹當省察一  
日之庶徵以修五事而答天意

歲月日時無易百穀用成又用明俊民用章家用  
平康。

易如樂記慢易之易言歲月日時之庶徵君臣  
各修省而無敢慢易則禍除福至其休嘉有如  
此者

日月歲時既易百穀用不成又用昏不明俊民用

微家用不寧。

說文微隱行也。卽坤卦云賢人隱也。言歲月日時之庶徵。君臣不修省而盡慢易。則福去災生。其敗德有如此者。上言歲月日此言日月歲蓋休徵必合一歲之功始成。咎徵則雖旬日之變亦害也。

庶民惟星。星有好風。星有好雨。日月之行。則有冬有夏。月之從星。則以風雨。

庶民不繫于卿士師尹之下者。庶民惟觀象以占風雨。其所省有不同焉。故別言之。周禮大宗伯以禋燎祀風師雨師。鄭司農云。風師箕也。雨師畢也。漢書天文志云。箕星爲風。東北之星也。又云。軫爲車主風。史記天官書同。春秋緯云。月離于箕。則風揚沙。小雅云。月離于畢。俾滂沱。

矣是箕與軫好風畢好雨也天文志云日有中  
 道月有九行中道者黃道一曰光道光道北至  
 東井去北極近南至牽牛去北極遠東至角西  
 至婁去極中夏至至于東井北近極故暑短立  
 八尺之表而暑景長五寸八分冬至至于牽牛  
 遠極故暑景長立八尺之表而暑景長三尺一  
 四分春秋分日至婁角去極中而暑中立八尺  
 之表而暑景長七尺三寸六分此日去極遠近  
 之差暑景長短之制也月有九行者黃道一黑  
 道二出黃道北赤道二出黃道南白道二出黃  
 道西青道二出黃道東立春春分月東從青道  
 立秋秋分西從白道立冬冬至北從黑道立夏  
 夏至南從赤道然用之一決房中道青赤出陽  
 道白黑出陰道若月失節度而妄行出陽道則  
 早風出陰道則陰雨又云月去中道移而東北  
 入箕若東南入軫則多風月失中道移而西入  
 畢則多雨故日月之從星則以風雨也言王及  
 卿士師尹之所省有如此矣若庶民愚賤則惟  
 省星以占早潦星各有所好有好風者有好雨  
 者而日月之行則冬夏各有其道若月失其中

道而從好風之箕軫則必有恆風從好雨之畢星則必有恆雨當於未至之先預爲之備也天文志又云若日之南北失節晷過而長爲常寒退而短爲常燠不言日之節可以占寒燠者以晷景非庶民所能測也

九五福。一曰壽。二曰富。三曰康寧。四曰攸好德。五曰考終命。

鄭注此數本諸其尤者福是人之所欲以尤欲者爲先極是人之所惡以尤所不欲者爲先以下緣人意輕重爲次耳

六極。一曰凶短折。二曰疾。三曰憂。四曰貧。五曰惡。六曰弱。

張氏晦之云福有五而極有六其義相反不必數之相敵五福曰壽曰考終命六極曰凶短折



此一極而反二福也五福曰富六極曰貧此一極反一福也五福曰康寧六極曰疾曰憂五福曰攸好德六極曰惡曰弱此二極而反一福也蓋亦各盡其意而已